

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0059663 24
Zenica, 11.04.2025. godine

OPĆINSKOM SUDU U ZAVIDOVIĆIMA
-Sudiji za prethodno saslušanje-
ZAVIDOVIĆI

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m

O P T U Ź N I C U

Protiv:

M. A., neosuđivan,

što je:

dana 29.07.2024. godine, oko 17,20 sati, krećući se regionalnim putem u pravcu Z. u ulici K., upravljajući putničkim motornim vozilom marke „Audi“ registarskih oznaka ..., preduzeo radnju preticanja pmv marke „VW Passat“ reg. oznaka ... kojim je upravljao M. A. i prešao vozilom na suprotnu kolovoznu traku koja je namijenjena za kretanje vozila iz suprotnog smjera, a da se prethodno nije uvjerio da to može učiniti bez opasnosti za druge učesnike u saobraćaju i imovinu vodeći pri tom računa o položaju vozila i pravcu i brzini kretanja, u momentu kada se istom saobraćajnom trakom kretalo pmv marke „VW Passat“ reg. oznaka ..., kojim je upravljao M. N., svjestan da tako vozeći može ugroziti javni promet i dovesti u opasnost živote ljudi i imovinu, ali je olako držao da zabranjena posljedica neće nastupiti ili da će je moći spriječiti, postupio suprotno odredbama člana 36. stav 1. i 39. stav 1. Zakona o osnovama bezbjednosti saobraćaja na putevima BiH, u ulici K., prednjim dijelom svoga vozila je ostvario direktan kontakt sa vozilom „VW Passat“ i time tako ugrozio bezbjednost saobraćaja, uslijed čega je vozač „VW Passat“ M. N. zadobio teške tjelesne ozljede u vidu preloma čašice lijevog koljena, preloma četvrtog i šestog rebra lijeve strane i prelom nosne kosti, dok su lahke tjelesne ozljede zadobili M. A. u vidu oguljotina lijevog koljena i ogrebotina desnog lakta, M. H. nagnječenje glave čeonog područja, nagnječenje desnog ramena i nagnječenje oba koljena, M. A. nagnječenje glave čeonog područja sa manjim podljevom i ranicom do jednog centimetra i M. A. nagnječenje lijeve strane karlice i nagnječenje lijeve podlaktice i lijevog lakta,

dakle, kao učesnik u prometu na putevima koji se ne pridržava prometnih propisa, time tako ugrozio javni promet, da je doveo u opasnost živote ljudi, pa je zbog toga prouzrokovao tešku tjelesnu ozljedu jedne osobe,

čime bi počinio krivično djelo teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.